

Dem Edlen/Gestrengen/Ehrnvesten Herrn Adolphen von  
Hagen vff Pensen/etc. meinem günstigen Herrn/etc.

**G**e Danckopfert der preiset mich/ singet der Königliche Prophet David im  
funffzigsten Psalm/ in welchem er den rechten Gottesdienst lehret/ vnd alle  
Menschen zu rechtem vnd angenem Gott wolgeselligem opffer vermanet/  
zu solchem Dienst vnd Opffer hat Gott die Menschen sein liebstes geschöpf  
für allen andern creaturen/ mit redenden munde vnd lautenden stim gezieret/das sie sich  
wissen zu erinnern/ das sie mit Mund vnd stim Gott loben / rhümen vnd preisen sollen.  
Über das hat er sie auch mit der schönen vnd lieblichen kunst Musica begnadet/ welche  
zu Gottes Ehr/ lob vnd preiss/ allein dienen sol: Derwegen von anfang her die Lehrer  
des Volkes Gottes/ die heiligen Propheten mit dieser kunst die grossen Wolthaten/ vnd  
wunderwerk Gottes gepreiset/ und den herrlichen namen Gottes mit Lobsingen gerüh-  
met/ das sein lob in der Heiligen gemeine erschollen/ darumb das er gütig ist/ vnd seine  
barmherzigkeit ewiglich weret etc. Weil denn nochmals die Musica zu Christlicher or-  
denung/ Eeremonien vnd Kirchenzucht dienstlich/ Hab ich diesen schönen Danckpsalm/  
der Jugend zur übung/ das Gott durch diese Kunst Musica/ vnd alle seine gaben gepreiset  
werde/in Meloden vorfasset/ vnd einer Edlen Gestrenghheit/meinem günstigen Herrn/ als  
einem sonderlichen Förderer vnd Liebhaber/ zucht vnd aller guten Künste dedicirt/ guter  
zuuericht ewr Edle S. werde jr meinen vleis gefallen lassen: Datum aus der Fürstli-  
chen Sechsischen Schuel des Hochgeborenen Fürsten Herzog Christian. Thurfürsten  
etc. Meissen den 25. Junij Anno 1586.

Wolfgangus Figulus.